

INUIT ATAQATIGIIT

Inatsisartuni



19. februar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Inuit timimikkut takussaangitsumik takussaasumillu innarluuteqartut nappaateqartulluunniit nakorsaniit allaniillu aalajangiisartuniit siusinaarlutik sulisinnaajunnaarnersiuteqalertussatut nalilerneqarsinnaangitsut inuunerup sinnera sulisinnaajunnaarsimasut pillugu Naalakkersuisut qanoq aaqqiissuteqarniarpat?**
- 2. Nakorsat aamma Majoriaq isumaginnittoqarfylluunniit inummik pineqartumik siusinaarluni sulisinnaajunnaarnersiuteqartariaqartutut inissisimasumut aalajangiisinnaassuseqarnerat killeqartillugu inuit sulisinnaangitsut eqqugaasarnerat sumit patsiseqarpa?**
- 3. Kommunit inatsisinik malinnittussaannerat pissusissamisorpoq, inatsisilli inuit atugaannut naapertuutinnngitsumik atuussimappata, soorlu siusinaartumik sulisinnaajunnaarnersiuteqalertariaqavissut nalilersuinermi toqqaannartumik erseqqissumillu nappaatitut nalilerneqarsinnaangitsut qanoq inatsisitigut ikiorserneqarsinnaappat?**
- 4. Inuk timimigut innarlarsimasoq sulisinnaangitsoq uppersarsarneqarsinnaangitsumik nappaatilik meeraqarsimaguni aningaasarsiorfeqarsinnaananilu meeqqanik arsaarneqarnermik imaluunniit inigisamiit anisitaanermik allatigulluunniit eqqornerlunneqartassanngippat inatsisit sutigut aqqitassartaqarpa?**
- 5. Kommunini inuit ikigisassaangitsut timimikkut ersinngitsumik nappaatillit, innarluutillit imaluunniit ajoqusersimasut inuiaqatigiinni pisinnaatsitaaffimmikkut ikiorserneqarnissaminnullu periarfissaarussimasutut inissisimasut pillugit aaqqiisoqartariaqavinnera Naalakkersuisut qanoq aaqqiissuteqarfiginiarpat?**
- 6. Inuit siusinaartumik sulisinnaajunnaarsimasutut inissisimasut ikiorpassuarni nikeriarnaveeqqasimappata aalajangiisoqarsinnaangippallu tamanna suliassap inaarneqarsinnaangitsutut inissiinnartarneranik kinguneqartartoq qanoq ilisamik aaqqinneqarsinnaanera pillugu Naalakkersuinikkut pilersaaruteqartoqarpa?**
- 7. Inuit nunatsinniit nunatta avataanut nuuttarnerat ilaatigut nunatsinni ikiorserneqarsinnaangitsutut inissisimatinneqartarnertik tunngavigisaraat Naalakkersuisuniit uppersarsarneqarsinnaavaat?**
- 8. Timimigut nappaatilik sulisinnaassuseqanngitsoq nakorsamiillu uppersarsaammik pigisaqartoq Majoriamiit suleqatigineqarsimanngikkuni imaluunniit inuk pineqartoq naammaginartumik peqataasimanngitsutut nalilerneqarpat, taava ilumoorpa siusinaartumik sulisinnaajunnaarnersiuteqartutut akuerineqarsinnaajunnaartartoq?**
- 9. Nakorsaq inummik sulisinnaangitsutut nalileriigaanik pisotat allaffissornikkut piumasaqaataannik pisussaaffittut isigineqartut**

- naammassineqarsimangippata taava imaappa
sulisinnaajunnaarnersiuteqartutut nalilernerqarsinnaangitsoq?**
- 10. Suna patsisaava inuk sulisinnaangitsutut nakorsap naliligaa Majoriamut
isumaginninnermullu immikkoortorta qarfinnut assigisaannullu
saaffigineqatta aqqaartariaqartarnera?**
- 11. Siusinaarluni sulisinnaajunnaarnersiuteqalernissamik qinnuteqaateqartup
piffissaq sivisoorujussuaq atorlugu aalajangiiffiginialuusaartarnera
sukkanerulissappat inatsimmi qanoq aaqqiisoqarsinnaava?**

(Inatsisartuni ilaasortaq Aqqaluaq B. Egede , Inuit Ataqatigiit)

Tunngavilersuut:

Paasisakka malillugit kommunini tamani nakorsamiit sulisinnaangitsutut nalilernerqarsimasut Majoriamiit aamma kommunini isumaginninnermik immikkoortorta qarfinni suleriaatsit assigiinngitsuunerat pissutigalugiu assigiinngitsumik nalilernerqartarnerata kueriuminaappoq. Apeqqutilli ujartuinerupput ajornartorsiut qanoq qaangernissaanut periusissamik inatsisissamik piareersaasoqarsimanersoq qulaajarniarlugu. Pinartumi inissisimasoqarpoq aqqittariaqartumik suliassaqarpoq.

Taamaammat suliassaq aallartillugu apeqquteqaatit ukua Naalakkersuisuniit ullut qulit ingerlaneranni akineqarnissaat kissaatigaara.